



Informisanje korisnika u pregovaračkoj fazi  
Standardni informacioni list u primjeni od 03.12.2021. godine

Podaci o davaocu usluge	Bosna Bank International dd Sarajevo Trg djece Sarajeva bb 71000 Sarajevo, Bosna i Hercegovina
-------------------------	--

Vrsta usluge	Shopping limit po tekućem računu
--------------	----------------------------------

#### OPIS I NAMJENA

Preduslov za odobrenje shopping limita je otvoren tekući račun na koji se uplaćuju redovna mjesečna primanja uz aktiviran jedan od BBI Paketa (BBI Smart, BBI Prestige i BBI Premium).

Odobreni shopping limit vlasnik tekućeg računa može koristiti isključivo sa debitnom karticom za bezgotovinsko plaćanje roba i usluga na prodajnim mjestima za prihvata MasterCard kartice. Korisnik shopping limita izmiruje mjesečno samo dio potrošenog iznosa. Uplatom mjesečne obaveze obnavlja se raspoloživi iznos shopping limita, a maksimalno do odobrenog iznosa.

#### IZNOS USLUGE, OZNAKA VALUTE I USLOVI KORIŠTENJA

Valuta – KM/BAM.

Iznos: Shopping limit se može odobriti do 500% mjesečnih neopterećenih primanja (do maksimalno 5.000,00 KM) samo za klijente koji su stalno zaposleni.

U slučaju da se zajedno odobrava i prekoračenje i shopping limit iznos odobrenja se definiše na slijedeći način:

Preračuna se iznos 500% neopterećenih primanja od čega se oduzme dio koji se odnosi na prekoračenje

- Maksimalno 600,00KM (3 x mjesečna neopterećena primanja) - za korisnike Smart paketa Banke.
- Maksimalno 1.000,00KM (3 x mjesečna neopterećena primanja) - za korisnike Prestige paketa Banke
- Maksimalno 2.000,00KM (3 x mjesečna neopterećena primanja) - za korisnike Premium paketa Banke.

Ostatak sredstva se može odobriti na shopping limit.

U okviru shopping limita klijent nema mogućnost podizanja gotovine već samo mogućnost plaćanja roba i usluga isključivo korištenjem debitne kartice.

Način korištenja shopping limita se odvija na slijedeći način:

1. Nakon izvršene bezgotovinske transakcije klijentu dolazi SMS poruka sa upitom da li navedenu transakciju želi podijeliti na rate;
2. Ukoliko klijent, u roku od 60 minuta od napravljane transakcije, odgovori na zaprimljeni SMS potvrdno (odgovor: DA) transakcija se dijeli na rate, a klijentu stiže poruka sa potvrdom da je transakcija uspješno podijeljena na rate;
3. Ukoliko klijent ne odgovori na poslani SMS upit (u roku od 60 minuta od napravljane transakcije) za izvršenu transakciju, zadužiti će se raspoloživa sredstva sa tekućeg računa;
4. Ukoliko na shopping limitu nema dovoljno sredstava da se transakcija izvrši, automatski se zadužuju raspoloživa sredstva sa tekućeg računa, te SMS poruka neće biti ni poslana;
5. Ukoliko na tekućem računu (uključujući i odobreno prekoračenje) nema dovoljno sredstava da se transakcija izvrši, klijent neće ni primiti SMS poruku sa upitom, ali će se automatski zadužiti raspoloživa sredstva na shopping limitu i transakcija se dijeli na rate.

U momentu odobrenja shopping limita aplikant može imati minimalno 20 godina, a maksimalno 59 godina starosti.

TRAJANJE UGOVORA

Shopping limit se odobrava na period od 48 mjeseci. U slučaju da Banka ili Korisnik 30 dana prije isteka roka od 48 mjeseci ne otkazu korištenje odobrenog Shopping limita pismenim putem period istog će se produžiti automatski za isti period pod uslovom da korisnik uredno izmiruje obaveze.

VISINA I PROMJENJIVOST PROFITNE MARŽE I ELEMENTI NA OSNOVU KOJIH ĆE SE ODREĐIVATI UGOVORENA PROMJENJIVA PROFITNA MARŽA, NJIHOVA VISINA U VRIJEME ZAKLJUČENJA UGOVORA, PERIODI U KOJIMA ĆE SE MIJENJATI I NAČINE IZMJENE, KAO I FIKSNI ELEMENT AKO JE UGOVOREN

Za korištenje shopping limita Banka naplaćuje jednokratnu, fiksnu, transakcijsku naknadu od 11% po transakciji.

EFEKTIVNA PROFITNA MARŽA I UKUPAN IZNOS KOJI KORISNIK MORA DA PLATI, ODNOSNO KOJI TREBA DA MU SE ISPLATI, PRIKAZAN PREKO REPREZENTATIVNOG PRIMJERA U KOJEM SU NAZNAČENI SVI ELEMENTI KORIŠTENI U OBRAČUNU

Napomena: Reprezentativni primjer je informativnog karaktera. Potencijalni klijent konkretan primjer ima pravo dobiti u prostorijama Banke od službenika, nakon podnošenja pismenog zahtjeva.

Iznos limita	1.000,00 KM
Period važenja Ugovora	48 mjeseci
Transakcijska naknada	11% po izvršenoj transakciji (za potrošeni limit od 1000,00 KM = 110,00 KM)
Nominalna profitna marža	Nije primjenjivo
Trošak ovjere isprave o zapljeni (jednokratno, fiksno)	4,00 KM - (2,00 KM po jednom primjerku)
Trošak mjenice (jednokratno, fiksno)	5,00 KM – jedna mjenica
Trošak vođenja BBI Smart paketa 33 x 4,99 (mjesečno, promjenjivo)	164,67 KM
Trošak izdavanje izvoda iz CRK-a za potrebe analize (jednokratno fiksno)	5,00 KM
<b>UKUPNI TROŠKOVI</b>	<b>178,67 KM</b>

Efektivna profitna marža 14,49% (pod uslovom da je potrošen kompletan limit).

IZNOS I BROJ RATA FINANSIRANJA I PERIODI U KOJIMA DOSPIJEVAJU (MJESEČNO, TROMJESEČNO I DRUGO)

Iznos i broj anuiteta zavisi od iznosa transakcije. Svaka transakcija ima svoj otplatni plan.

Korisnik shopping limita izmiruje mjesečno samo dio potrošenog iznosa. Uplatom mjesečne obaveze obnavlja se raspoloživi iznos shopping limita, a maksimalno do odobrenog iznosa.

Mjesečne obaveze koje Korisniku dospijevaju na naplatu po osnovu shopping limita nazivaju se minimalni iznosi podmirenja. Minimalan iznos podmirenja je 3% od potrošenog iznosa, a ne manje od 30,00 KM. Mjesečne obaveze se izmiruju do 20. u mjesecu za predhodni obračunski period.

TROŠKOVI ODRŽAVANJA JEDNOG ILI VIŠE RAČUNA NA KOJIMA ĆE SE EVIDENTIRATI TRANSAKCIJE ZAJEDNO SA TROŠKOVIMA KORIŠTENJA ODREĐENOG SREDSTVA OTPLATE, KAKO ZA TRANSAKCIJE PLAĆANJA, TAKO I ZA POVLAČENJA SREDSTAVA, TE SVE DRUGE NAKNADE I TROŠKOVE KOJI PROIZLAZE IZ UGOVORA UZ ODREĐENJE DA LI SU FIKSNI ILI PROMJENLJIVI I USLOVI POD KOJIMA SE MOGU MIJENJATI

Naknada za održavanje tekućeg računa	Nije primjenjivo
Naknada za vođenje paketa (promjenjivo)	BBI Smart = 4,99 KM mjesečno BBI Prestige = 9,99 KM mjesečno BBI Premium = 18,99 KM mjesečno
Nominalna profitna marža	Nije primjenjivo
Trošak kupovine mjenice (jednokratno, fiksno)	5,00 KM
Trošak ovjere dokumentacije (jednokratno, fiksno)	2,00 KM (predpostavljeni trošak)
Trošak izdavanje izvoda iz CRK-a za potrebe analize (jednokratno, fiksno)	5,00 KM

U pogledu troškova koji su definisani kao promjenljivi, BBI uzima u obzir godišnju stopu inflacije/deflacije, prema zvaničnim podacima koje objavljuje Agencija za statistiku BiH. Ugovorne strane su saglasne, da će BBI vršiti usklađivanje visine promjenjivih troškova samo ukoliko zbir stopa inflacije/deflacije za protekle tri godine bude jednak ili iznad +/- 5%. BBI će jednom godišnje utvrđivati promjenu visine troškova u zavisnosti od promjene zbira stopa inflacije/deflacije za protekle tri godine. Ugovorne strane su saglasne da je BBI ovlaštena, u svakom trenutku, bez obzira na kretanja parametara Inflacije/deflacije donijeti odluku o smanjenju visine pojedinih troškova. BBI će o svim promjenama obavijestiti Korisnika putem nove tarife, koja će biti dostupna u prostorijama BBI ili objavljena na web stranici BBI.

INFORMACIJA O OBAVEZI KORIŠTENJA NOTARSKIH USLUGA PRILIKOM ZAKLJUČENJA UGOVORA

Moguća je obaveza korištenja usluga notara ukoliko se ovjera isprave o zapljeni vrši kod notara.

INFORMACIJA O OBAVEZI ZAKLJUČENJA UGOVORA O SPOREDNIM USLUGAMA POVEZANIM SA OSNOVNIM UGOVOROM, NAROČITO KAD JE ZAKLJUČENJE TAKVOG UGOVORA OBAVEZNO RADI DOBIJANJA USLUGE

Shopping limit po tekućem računu je sastavni/neodvojivi dio tekućeg računa i paketa proizvoda: BBI Smart, BBI Prestige i BBI Premium. Za odobravanje shopping limita neophodno je da Klijent ima otvoren tekući račun uz debitnu karticu i jedan od naprijed navedenih BBI paketa.

PROFITNA MARŽA KOJA SE PRIMJENJUJE U SLUČAJU KAŠNjenja U IZMIRENJU OBAVEZA I PRAVILA ZA NJENO PRILAGOĐAVANJE, TE DRUGE NAKNADE KOJE SE PLAĆAJU U SLUČAJU NEISPUNJENJA OBAVEZA

U slučaju kašnjenja u izmirenju obaveza obračunavaju se penali u iznosu 10% godišnje. Stopa penala će se mijenjati shodno izmjenama zakona kojima se reguliše visina stope zakonske zatezne kamate.

UPOZORENJE U VEZI SA POSLJEDICAMA PROPUŠTANJA IZMIRENJA OBAVEZA

- Telefonski kontakt sa korisnicima kartice (nakon 20-og dana kašnjenja)
- Opomena I korisniku kartice (30-i dan kašnjenja)
- Privremena blokada kartice (40-i dan kašnjenja)
- Telefonski kontakt sa žirantima (nakon 50-og dana kašnjenja)
- Opomena II korisniku kartice (60-i dan kašnjenja)
- Obavijest žirantima (70-i dan kašnjenja)
- Zahtjev za aktiviranje isprave o zapljeni na lična primanja korisnika kartice (90-i dan kašnjenja)

INSTRUMENTI OBEZBJEĐENJA ISPUNJENJA OBAVEZA SA INFORMACIJOM O REDOSLIJEDU I NAČINU IZMIRENJA OBAVEZA IZ INSTRUMENTATA OBEZBJEĐENJA

Elementi obezbjeđenja po shopping limitu utvrđuju se u pregovaračkoj fazi i zavise od traženog limita i kreditne sposobnosti dužnika. Banka prihvata slijedeća obezbjeđenja:

- Ispravu o zapljeni na lična primanja dužnika;
- Vlastite mjenice sa naznakom bez protesta dužnika.

PRAVO KORISNIKA NA ODUSTAJANJE OD UGOVORA, USLOVI I NAČIN ODUSTAJANJA, KAO I VISINU TROŠKOVA U VEZI S TIM

Ugovorne strane su saglasne da Banka neće sredstva shopping limita staviti na raspolaganje Klijentu prije isteka roka ne kraćeg od 14 dana od dana zaključenja ugovora o shopping limitu, u kojem periodu BBI priznaje Klijentu pravo jednostranog odustanka od Ugovora, izuzev u slučaju Klijentovog izričitog pismenog zahtjeva za stavljanje sredstava finansiranja na raspolaganje prije isteka naznačenog roka uz Klijentovu nedvosmislenu obavezu odricanja prava na odustanak od Ugovora.

U slučaju da Klijent u datom roku želi iskoristiti pravo odustanka od Ugovora obavezuje se dostaviti Banci pisano obavještenje o odustanku, uz obavezan dokaz o dostavljanju predmetnog obavještenja. Banka neće obračunavati naknadu u vezi stim.

PRAVO KORISNIKA NA PRIJEVREMENU OTPLATU FINANSIRANJA I PRAVO BANKE NA NAKNADU, KAO I VISINU TE NAKNADE

Banka neće Klijentu naplaćivati naknadu za prijevremeni povrat.

PRAVO KORISNIKA DA U TOKU PROCJENE NJEGOVE KREDITNE SPOSOBNOSTI BESPLATNO DOBIJE OBAVJEŠTENJE O REZULTATIMA UVIDA U BAZE PODATAKA

Podnosilac zahtjeva za shopping limit ima pravo da u toku procjene njegove kreditne sposobnosti dobije na uvid izvod iz CRK-a.

PRAVO KORISNIKA DA DOBIJE BESPLATNU KOPIJU NACRTA UGOVORA

Klijent ima pravo da na zahtjev dobije nacrt ugovora radi razmatranja istog van prostorija Banke, izuzev ako Banka u vrijeme podnošenja zahtjeva korisnika ocijeni da ne postoje uvjeti za zasnivanje odnosa s korisnikom u konkretnom pravnom poslu.

PERIOD U KOJEM BANKU OBAVEZUJU PODACI DATI U PREGOVARAČKOJ FAZI

Podaci dati u pregovaračkoj fazi obavezuju banku 7 (sedam) dana od dana uručenju korisniku.

USLOVI POLAGANJA NOVČANOG DEPOZITA KOD BANKE, AKO JE TO USLOV ZA ODOBRAVANJE KREDITA, KAO I MOGUĆNOST I USLOVI PREBIJANJA FINANSIRANJA I DEPOZITA

Banka u zavisnosti od procjene kreditne sposobnosti, iznosa finansiranja kao i roka otplate može tražiti depozit kao instrument obezbjeđenja.

Datum preuzimanja standardnog informacionog lista: \_\_\_\_\_

Potpis tražioca finansiranja kojim potvrđuje prijem standardnog informacionog lista: \_\_\_\_\_

Potpis službenika Banke koji je uručio standardni informacioni list: \_\_\_\_\_